



ХАРХОРИН ХУВЬЦААТ КОМПАНИ

ҮЙЛ АЖИЛЛАГААНЫ ТАЙЛАН

2017 оны эхний хагас жил



1. Үнэт цаас гаргагчийн нэр, оршин байгаа хаяг:

Хархорин ХК

Хаяг: Өвөрхангай аймаг, Хархорин сум, Эрдэнэ-толгой баг, Усжуулахын контор

Утас: 70327890

Факс: 70151955

Электрон хаяг: kh.kh_jsc@yahoo.com

2. Хуулийн этгээдийн улсын бүртгэлийн мэдээлэл:

1.	Оноосон нэр	Хархорин
2.	Хариуцлагын хэлбэр	Нээлттэй Хувьцаат Компани
3.	Регистрийн дугаар	2015471
4.	Улсын бүртгэлийн дугаар	1010001006
5.	Үүсгэн байгуулагдсан огноо	1996.04.29
6.	Үндсэн эрхлэх үйл ажиллагаа	Чацаргана тариалах, бүтээгдэхүүн үйлдвэрлэх

3. Үнэт цаас гаргагчийн зорилго, үйл ажиллагааны стратеги, түүний хэрэгжилтийн талаарх мэдээлэл:

Үнэт цаас гаргагчийн зорилго: Монгол Улсын хөдөө аж ахуйн салбарт тэргүүлэгч, чацаргана тариалагч, чацарганы бүтээгдэхүүн үйлдвэрлэгч аж ахуйн нэгж болох.

Үйл ажиллагааны стратеги: “Хархорин” ХК нь Монгол Улсад төдийгүй дэлхийд томоохонд орох нийт 3,000 гаруй га талбай бүхий чацарганы “Үндэсний цэцэрлэгт хүрээлэн” байгуулах төлөвлөгөөтэй ажиллаж байна. Үүнээс 2007 – 2016 онд нийт 600 гаруй га талбайд чацаргана тариалаад байгаа бөгөөд чацарганы ургацын хэмжээ жил тутам нэмэгдэж байна.

4. Үнэт цаас гаргагчийн түүх, тухайн зах зээлд эзэлж буй байр суурь, судалгаа:

Тус “Хархорин” ХК нь Монгол Улсын эртний нийслэл Хархорин хот, одоогийн Өвөрхангай аймгийн Хархорин сумын Эрдэнэтолгой багийн нутаг дэвсгэрт байрлаж байна. Хархорин сум нь Улаанбаатар хотоос баруун тийш 360 км, Өвөрхангай аймгаас зүүн хойш 130 км зайд оршдог.

Хархорин ХК нь анх 1956 онд БНМАУ-ын Засгийн газрын 100% хөрөнгө оруулалтаар Хархорин сум САА нэртэйгээр газар тариалан, мал аж ахуйн салбарт үйл ажиллагаа явуулж ирсэн түүхтэй Монголын томоохон САА нэг юм. 1990 онд Монгол оронд Ардчилсан хувьсгал гарч ирсэнээр 1992 онд тус САА нь Хархорин ХК нэртэйгээр төрийн өмч хувийн өмчид шилжин 70% төр, 30% тухайн нутгийн ард иргэдэд өмчлөн холимог

системээр үйл ажиллагаа явуулж эхэлсэн. 1992 оноос тус компанийн хэвийн ажиллагаа доголдож 2007 онд өмч хувьчлал буюу нээлттэй тендэр зарлан 100%, хувийн өмчид шилжсэн. Шилжсэн цагаас хойш тус компани нь өөрийн үндсэн үйл ажиллагааны чиглэлээ өөрчлөн Монгол Улсын засгийн газраас баталсан “Чацаргана”, “Ногоон хэрэм” хөтөлбөрийн хүрээнд, чацаргана үржүүлэх, тариалах чиглэлээр нийт 200 гаруй ажилтан албан хаагчидтайгаар үйл ажиллагаагаа явуулж байна.

Тус компани нь Ерөнхий агрономич Л.Бямбасүрэнгээр ахлуулсан 6 бригад, бригадыг ахалсан мэргэжлийн 6 агрономичтойгоор агроүйлдвэрлэл явуулж байна. Компанийн эзэмшлийн газар нутгийн хувьд 4000 гаруй га талбай, Орхон голоос эх авсан усалтын 13 м сувагтай 2007 оноос эдүүгээ нийт 600 гаруй га талбайд чацарганы жимст цэцэрлэг байгуулах ажлыг амжилттай байгуулан ажиллаж байна. Мөн 2014 он ОХУ-аас гүзээлзгэнэ, бөөрөлзгөнө, алим гэх мэт төрлийн жимслэг ургамлыг нутагшуулах ажлыг зохион байгуулж байна.

“Хархорин” ХК нь Монгол Улсад хамгийн томд орох таримал чацарганы талбайтай бөгөөд бүрэн хүчин чадлаараа ажилласан тохиолдолд жилд нийт 2,000 гаруй тонн чацарганы жимс хураан авч дотоодын чацаргана боловсруулах үйлдвэрүүдэд нийлүүлэх хүчин чадалтай.

Монголын Чацарганы холбооноос авсан мэдээллээр одоогийн байдлаар Монгол Улсын хэмжээнд нийт 40 гаруй том жижиг чацаргана боловсруулах үйлдвэр үйл ажиллагаагаа явуулж байна. Эдгээрийн нийт хүчин чадлын хэмжээ нь жилд 5,000 орчин тонн түүхий чацаргана боловсруулах боломжтой. Үүнээс үзвэл “Хархорин” ХК нь дангаараа Монгол Улсын чацаргана боловсруулах үйлдвэрүүдийн нэг жилийн түүхий эдийн хэрэгцээний 40%-ийг хангах бололцоотой.

5. Үнэт цаас гаргагчийн бараа бүтээгдэхүүн, үйлчилгээний зах зээлд гарсан томоохон өөрчлөлт, үүнтэй холбоотой үүсч болох эрсдлийн тухай мэдээлэл:

Тайлант хугацаанд “Хархорин” ХК-ийн бараа бүтээгдэхүүний гол зах зээл болох жимс, жимсгэнэ, тэр дундаа чацарганы дотоод болон гадаад зах зээлд томоохон өөрчлөлт гараагүй болно.

Харин 2017 оны зун манай улсын газар тариалангийн бүс нутгуудаар бороо хур бага, ихээр халж, хуурайшилт ихтэй байна. Манай чацарганы тариалангийн талбай нь халиа усалгаатай. Бороо хур багатай, хуурайшилт ихтэй жил дан халиа усалгаагаар чацарганы моднуудад хангалттай сайн усалгаа хийх боломжгүй байдаг тул жимсний гарц муу байдаг. Иймд манай компани нь хөрөнгө мөнгөний асуудал шийдэгдсэн үед орчин үеийн дуслын усалгааны системийг өөрийн чацарганы талбайд байгуулахаар төлөвлөж байгаа.

Энэ жил хуурай, бороо хур багатай байгаагаас үүдэн чацаргана жимсний гарц муу, модон дээр ургаж байгаа жимсний хэмжээ бага байгаагаас үүдэн манай компани нь төлөвлөж байсан ургацын таамгаа бууруулах шаардлагатай болоод байна. Бид 2017 онд нийт 700 гаруй тонн чацаргана хураахаар төлөвлөж байсан. Чацаргана жимсний ургацын хэмжээнд

хамгийн их нөлөө үзүүлэх хүчин зүйл бол хиймэл усалгаанаас гадна, байгалийн буюу бороо хур байдаг. Иймд дээр дурдсан шалтгаанаас үүдэн манай ургацын хэмжээ даруй 50 ба үүнээс ч их хувь буурахаар байгааг хувьцаа эзэмшигчид, хөрөнгө оруулагч нартаа мэдээлж байна.

6. Үнэт цаас гаргагчийн удирдлага, эрх бүхий албан тушаалтнуудын танилцуулга:

П.Бишрэл	ТУЗ-ийн Дарга
Л.Хосбаяр	ТУЗ-ийн ердийн гишүүн
О.Төмөрбаатар	ТУЗ-ийн ердийн гишүүн, Цалин, урамшууллын хорооны дарга
Ц.Энх-Амгалан	ТУЗ-ийн ердийн гишүүн, Аудитын хорооны гишүүн
Ж.Энхтөр	ТУЗ-ийн ердийн гишүүн, Нэр дэвшүүлэх хорооны дарга
П.Учрал	ТУЗ-ийн ердийн гишүүн
Б.Амарсанаа	ТУЗ-ийн хараат бус гишүүн, Аудитын болон Цалин, урамшуулалын хороодын гишүүн
С.Амгалан	ТУЗ-ийн хараат бус гишүүн, Аудитын хорооны дарга, Нэр дэвшүүлэх хорооны гишүүн
Б.Бүрэн	ТУЗ-ийн хараат бус гишүүн, Нэр дэвшүүлэх болон Цалин, урамшууллын хороодын гишүүн
Р.Саранцэцэг	Гүйцэтгэх захирал
Б.Ганбат	ТУЗ-ийн нарийн бичгийн дарга
Д.Дашмаа	Ерөнхий нягтлан бодогч

7. Үнэт цаас гаргагчийн нийт гаргасан хувьцааны 5 болон түүнээс дээш хувийг эзэмшигчдийн мэдээлэл:

Д.д	Хувьцаа эзэмшигчийн овог, нэр	Эзэмшиж байгаа хувьцааны тоо	Эзлэх хувь
1	Сүрэнжавын Пүрэв	377,660	70.0%
2	Лхагвасүрэнгийн Хосбаяр	101,634	18.8%

Жич: (2017 оны 3 дугаар сарын 24-ний байдлаар)

8. Санхүүгийн тайлангийн үзүүлэлт:

Үнэт цаас гаргагч нь 2017 оны эхний хагас жилийн санхүүгийн байдлын тайлан, орлого үр дүнгийн тайланг 2017.01.01-2017.06.30 –ний байдлаар өссөн дүнгээр Монгол улсад мөрдөгдөж байгаа хууль тогтоомж заавар журам, нягтлан бодох бүртгэлийн болон санхүүгийн тайлагналын олон улсын стандартын дагуу бэлтгэж тайлан хүлээн авах эрх бүхий газруудад хуулийн хугацаанд хүргүүлэн ажилласан.

Түүнчлэн хөрөнгө оруулагчид, хувьцаа эзэмшигчид нь “Хархорин” ХК-ийн санхүүгийн тайлантай Монголын хөрөнгийн биржийн цахим хуудаснаас танилцах боломжтой.

“Хархорин” ХК-ийн 2016 оны жилийн эцсийн аудитлагдсан санхүүгийн тайлангийн дагуу нийт хөрөнгө 7,554.8 сая.төг байсан бол 2017 оны 06-р сарын 30-ны байдлаар 7,869.4 сая төгрөг болж 4.2% өссөн үзүүлэлттэй байна.

2017 оны эхний хагас жилийн тайлангаар нийт үндсэн хөрөнгө элэгдэл хассан дүнгээр 2,770,049.4 мянган төгрөг байна.

2017 оны эхний хагас жилийн байдлаар 5,099,399.3 мян. төгрөгийн эргэлтийн хөрөнгөтэй байсан. Үүнд мөнгөн хөрөнгө 12,180.0 мян.төг, бараа материал нийт 629,366.0 мян.төг, дуусаагүй үйлдвэрлэлийн зардал 1,590,036.9 мян.төг, хөрөнгө оруулалт 1,296,918 мян.төг байна.

Урт болон богино хугацаат өр төлбөр: 2017 оны эхний хагас жилийн санхүүгийн тайлангийн дагуу “Хархорин” ХК нь нийт 2,520,000 мян.төг.-ийн урт хугацаат зээлийн үлдэгдэлтэй, богино хугацаат өр төлбөр 5,947,089.0 мян.төг, нийт 8,467,089.0 мян.төг-ийн өр төлбөртэй гэж гарсан.

Үр дүнгийн тооцоо

Тайлант хугацаанд: Борлуулалтын нийт орлого:	380,396,4 мян.төг;
Борлуулалтын өртөг:	377,568,8 мян.төг;
Борлуулалтын ашиг:	2,827.6 мян.төг;
Үйл ажиллагааны бус орлого:	6,496.9 мян.төг;
Удирдлагын зардал:	113,622.7 мян.төг;
Бусад зардал:	17,442.7 мян.төг

болж тайлант үеийн цэвэр ашиг/алдагдал -121,740.9 мян.төг болсон.

8.3. Татварын тайлангийн тухай

“Хархорин” ХК нь 2017 оны 01, 02 дугаар улирлын татварын тайлангуудаа Монгол улсын Татварын багц хууль, тогтоомж, заавар журмын дагуу хуулийн хугацаанд гаргаж цахимаар харъяа татварын байгууллагад илгээж баталгаажуулсан болно.

9. Компанийн тухай хуульд заасан их хэмжээний болон сонирхлын зөрчилтэй хэлцлийн талаарх мэдээлэл

Тайлант хугацаанд их хэмжээний болон сонирхлын зөрчилтэй хэлцэл хийгдээгүй болно.

10. Үнэт цаас гаргагчийн гүйцэтгэх удирдлагын хийж гүйцэтгэсэн ажлын талаарх мэдээлэл

Энэ онд “Хархорин” ХК чацаргана тариалж эхлэсний 10 жилийн ой тохиож байгаа бөгөөд бид өмнөх жилүүдийнхээ ургацыг ахиулан илүү их ургац хураан авах төлөвлөгөө гарган ажиллаж байна.

2017 оны 4 сард компаний ажиллах хүчнийг залуужуулж, орон тоог нэмэгдүүлэх зорилгоор Хархорин суманд болон Өвөрхангай аймагт “Ажлын байрны нээлттэй хаалганы өдөрлөг” танилцуулах уулзалт, зөвлөгөөн зохион байгуулж ажилласан. Шинэ ажлийн байранд 40 гаруй ажилтан албан хаагчдыг шинээр авч ажиллуулж байна.

2017 оны 03 сараас эхлэн усалгааны суваг шуудууны тоног төхөөрөмжийг засаж сэлбэх, өөрөө явдаг болон дүүжин, чиргүүлэн машин техник, тоноглолийг өвлийн тэг зогсолтоос гаргаж засварлахын тулд усалгааны бригадыг болон мех баазын механикжуулагчдыг ажилд нь оруулан засварын ажлуудыг хийлгэсэн.

Компанийн газар тариалангийн болон жимст цэцэрлэгийн талбайн ажил 2017 оны 4 сараас эхлэн одоог хүртэл гүйцэтгэл сайтай явагдаж байна.

2017 оны 5 сараас эхлэн чацаргана, хайлаас, шар хуайс болон бусад модны суулгац гаргаж эхэлсэн. Оны эхний хагасын хугацаанд гадны байгууллага хувь хүмүүст 61,320 ширхэг чацарганы, 32,000 ширхэг хайлаасны, 210 ширхэг үхрийн нүдний, 110 ширхэг улиасны, 120 ширхэг шар хуайсны зэрэг суулгацуудыг зарж борлуулсан.

2017 оны 4 сарын 27-нд Булган аймгийн төв Булган хотод зохион байгуулагдсан аймгийн үзэсгэлэн худалдаа, 2017 оны 5-р сарын 11-нд Өвөрхангай аймгийн төв Арвайхээр хотод зохион байгуулагдсан аймгийн үзэсгэлэн худалдаануудад компанийн зүгээс идэвхитэй оролцон олон төрлийн модны суулгац зарж борлуулахаас гадна компаниа сурталчилах ажил хийгдсэн.

2017 оны 5 сард Булган аймгийн Засаг даргын тамгын газраас зарласан чацаргана жимсний суулгац нийлүүлэх тендерт оролцож 3, 4-р багцад шалгарч 194 мянган ширхэг суулгац нийлүүлэхээр болсон. Үүнээс захиалагч талын хүсэлтээр хавар 40 хувийг буюу 77.5 мян. ширхэг, намар 60 хувийг буюу 116.3 мян. ширхэг суулгац нийлүүлэхээр гэрээ байгуулан, гэрээт үүргээ хуваарийн дагуу биелүүлж байгаа болно.

2017 оны 6-р сард ХХААХҮ-ийн яамнаас зарласан “Байгалийн эрсдэлд өртөмтгий аймгуудад уурагт таримал тэжээлийн нөөц нэмэгдүүлэх” төсөл сонгон шалгаруулалтанд оролцсон.

Гүйцэтгэх захирлын хувьд компанийг өдөр тутмын шуурхай удирдлагаар байнга ханган, тулгамдсан асуудлуудыг богино хугацаанд шийдвэрлэн ажиллаж байгаа болно.

2017 оны эхний хагас жилийн хугацаанд “Хархорин” ХК-ны Чацарганы жимст цэцэрлэгийн талбайд хийгдсэн ажлын тайлан

2017 оны 01-р сарын 05-наас 02-р сарын 05-ны хооронд өмнөх 2016 оны талбайд үлдсэн чацарганы жимсний ургацыг 1-р бригадын 166 хүн/өдөр хүчээр 11323,9 кг, 2-р бригадын 122 хүн/өдөр хүчээр 8892,9 кг, 3-р бригадын 84 хүн/өдөр хүчээр 4537,6 кг, 4-р бригадын 156 хүн/өдөр хүчээр 8821 кг, 5-р бригадын 118 хүн/өдөр хүчээр 6018,6 кг, буюу нийт дүнгээрээ 646 хүн/өдөр хүчээр нийт 40 гаруй тонн чацарганы жимсийг доргиох аргаар хураан авсан.

Мөн 2017 оны 01-р сард жимст цэцэрлэгийн талбайн жимст моддод таналт хийсэн ба үүнд 1-р бригадын 31 хүн/өдөр хүч ашиглан 8554 ширхэг модонд, 4-р бригадын 31 хүн/өдөр хүч ашиглан 6279 ширхэг модонд, 5-р бригадын 16 хүн/өдөр хүч ашиглан 2905 ширхэг модонд, буюу нийт дүнгээрээ 78 хүн/өдөр хүч ашиглан 17738 ширхэг модонд таналт хийлгэсэн.

2017 оны 01-р сард бойжуулгын талбайн 37 мөр услалтын системтэй талбайд таналт хийлгэсэн ба үүнд 1-р бригадын 39,5 хүн/өдөр хүч зарцуулан 1787 метр урт, 2-р бригадын 35 хүн/өдөр хүч зарцуулан 2200 метр урт, 3-р бригадын 22 хүн/өдөр хүч зарцуулан 1500 метр урт, 4-р бригадын 46 хүн/өдөр хүч зарцуулан 1229,7 метр урт, 5-р бригадын 20 хүн/өдөр хүч зарцуулан 510 метр урт буюу нийт дүнгээрээ 518 хүн/өдөр хүч ашиглан 7226,7 метр урт суулгац тариалсан мөрөнд таналт хийлгэсэн.

Таналт хийгдсэн талбайгаас танасан мөчир, цуглуулж тракторт ачин талбайгаас гарган буулгах ажилд 1-р бригадын 2,5 хүн/өдөр хүч ашиглаж тракторын 11 тэвш, 2-р бригадын 2,8 хүн/өдөр хүч ашигласан ба тракторын 5,6 тэвш, 3-р бригадын 0,5 хүн/өдөр хүч ашигласан ба тракторын 0,5 тэвш, 4-р бригадын 1 хүн/өдөр хүч ашигласан ба тракторын 5 тэвш буюу нийт дүнгээрээ 6,8 хүн/өдөр хүч ашигласан ба тракторын 22,1 тэвш танасан иш мөчрийг талбайгаас тракторт ачин талбайгаас гаргаж буулгасан.

2017 оны 01 сард хайрцагтай суулгацанд мөн таналт хийлгэсэн ба энэ ажилд 2-р бригадын 17 хүн/өдөр хүч зарцуулан 69 хайрцаг, 3-р бригадын 9,6 хүн/өдөр хүч зарцуулан 30

хайрцаг буюу нийт дүнгээрээ 26,6 хүн/өдөр хүч зарцуулан 95,6 хайрцагтай хөгшин суулгацыг танасан.

2017 оны 04 сарын 17-ны өдөр жимст цэцэрлэг хариуцсан цэцэрлэгчдийн хүчээр сувгийн цэвэрлэгээг хийж эхлэсэнээр энэ жилийн жимст цэцэрлэгийн талбайн ажил эхлэсэн. Энэ ажилд 1-р бригад 14 хүн/өдөр, 2-р бригад 16 хүн/өдөр, 3-р бригад 8 хүн/өдөр, 4-р бригад 16 хүн/өдөр, ойн зурвас хариуцсан 5-р бригад 7 хүн/өдөр буюу нийтдээ 61 хүн/өдөр хүчээр 4-р сарын 17-нд сувагт 2016 оны үерээр шороо орсон хэсгүүдээс шороог нь гаргах, мөн сувгийн хөнгөн хогийг бөөгнүүлэн авч самосвалд ачиж хогийн цэгт аваачиж асгасан.

04-р сард нэгээс хоёр өдрийн хугацаанд нийт жимст цэцэрлэг хариуцсан бригадуудын хүн хүчээр жимст цэцэрлэгийн ба тариан талбайн хог цэвэрлэгээ, труба ачиж буулгах, хөргөгч угаах, тогооч хийх зэрэг аж ахуйн ажлыг хийж гүйцэтгэсэн.

Мөн 04-р сард 2-р бригадын 15,5 хүн/өдөр хүчээр хайрцаг хийх талбайг чиг гаргаж хуваах, суулгацыг ялгаж тоолж ангилаад түр хадгалж, шошго зүүгээд боож ачих ажил хийлгэсэн. 3-р бригадын 3 хүн/өдөр хүчээр 1А дугаартай талбайд трактороор чиг бариулан шуудуу гаргуулаад 5,5 хүн/өдөр хүчээр 3340 м урт трактороор гаргасан шуудууг гараар засуулаад мөн 5,5 хүн/өдөр хүчээр 1731 модны нүх ухуулсан. 4-р бригадын 18,3 хүн өдөр хүчээр 8443 м урт трактороор татуулсан шуудууг гараар засуулаад 2,6 хүн өдөр хүчээр 1520 ширхэг модны нүх ухуулаад 2,8 хүн өдөр хүчээр 700 ширхэг чацарганы модыг нөхөн тариалсан. Нөхөн тариалсан болон нөхөлт хийгдээгүй бусад нийт талбайд 4-р бригадын 49 хүн өдөр хүчээр 14050 м урт усалгааны туслах шуудууг гараар ухаж сэргээн засаад 46 хүн өдөр хүчээр 59610 м урт усалгааны шуудуугаар усалгаа хийсэн.

04-р сард бойжуулгын талбайд тарьц тариалах хайрцаг хийх ажилд нийт жимст цэцэрлэг хариуцсан бригадуудын хүн хүчийг ашигласан ба энэ ажилд 1-р бригадын 63 хүн/өдөр хүн/өдөр хүчээр 482 хайрцагийг, 2-р бригад 67 хүн/өдөр хүчээр 476,5 хайрцагийг, 3-р бригад 40,5 хүн/өдөр хүн/өдөр хүчээр 401 хайрцагийг, 4-р бригад 9 хүн/өдөр хүн/өдөр хүчээр 63 хайрцагийг буюу нийтдээ 179,5 хүн/өдөр хүн/өдөр хүчээр 1422,5 хайрцагийг шинээр хийсэн.

04-р сард хүлэмжнээс тарьц гараар ухаж гаргах ажилд 2-р бригадын 99,5 хүн өдөр хүч зарцуулан 520231 ширхэг тарьцыг чацарганы ногоон мөчир тариалсан 20 хүлэмжнээс ухаж гарган тариалалт хийж буй бригадуудад нийлүүлж тариалалт хийлгэсэн.

04-р сард бойжуулгын талбайн хайрцагт тарьц тариалах ажилд нийт жимст цэцэрлэг хариуцсан бригадуудын хүн хүчийг ашигласан ба энэ ажилд 1-р бригадын 92 хүн/өдөр хүчээр 421 хайрцагт 234094 ширхэг тарьцыг, 2-р бригад 3,5 хүн/өдөр хүчээр 22,5 хайрцагт 7513 ширхэг тарьцыг, 3-р бригад 69,5 хүн/өдөр хүчээр 325 хайрцагт 151601 ширхэг тарьцыг, 4-р бригад 25,5 хүн/өдөр хүчээр 153,5 хайрцагт 70552 ширхэг тарьцыг буюу нийтдээ 190,5 хүн/өдөр хүчээр 922 хайрцагт 463760 ширхэг тарьцыг тариалсан. Тарьц тариалсан хайрцаг услах ажилд 1-р бригадын 11 хүн/өдөр хүчээр 421 хайрцагийг, 2-р бригад 3 хүн/өдөр хүчээр 110 хайрцагийг, 3-р бригад 11 хүн/өдөр хүчээр 325 хайрцагийг,

4-р бригад 3,5 хүн/өдөр хүчээр 154 хайрцагийг буюу нийтдээ 28,5 хүн/өдөр хүн/өдөр хүчээр 1010 хайрцгийг усалсан.

04-р сард нийт жимст цэцэрлэгийн талбайн шижим устгах ажилд 1-р бригад 25 хүн/өдөрт 44650 м урт мөрний, 4-р бригад 81 хүн/өдөрт 114180 м урт мөрний буюу нийтдээ 106 хүн/өдөр хүч зарцуулан 158830 м урт мөрний шижим устгасан.

Эх цэцэрлэгийн талбайн 10750 м урт өргөн мөрний өмнөх жилийн борог өвсийг авах ажилд 2-р бригадын 20 хүн өдөр хүчийг зарцуулсан.

04-р сард ойн 5-р бригадын 32,2 хүн өдөр хүчээр ойн зурвасын 6278 ширхэг модны нүх ухаад, 27,8 хүн өдөр хүчээр 3983 ширхэг улиас, хайлаасыг ойн зурваст нөхөн тариалж, 24,6 хүн өдөр хүч зарцуулан 4162 ширхэг ойн зурвасын модыг 50 м хүртэлх зайд хувингаар ус зөөж, 10 хүн өдөр хүч зарцуулан 13934 ширхэг модыг тракторын араас дагаж шалангаар тус тус усласан. 4-р бригадын 3 хүн/өдөр хүчээр 700 ширхэг суулгацыг жимст цэцэрлэгт нөхөн тариалж, 04-р сард жимст цэцэрлэг хариуцсан бригадуудын хүн хүчээр талбайн нөхөн тариалалтын ба тендерийн суулгац гаргах ажилд 1-р бригад 10 хүн/өдөр хүчээр 5980 ширхэг суулгацыг 25 хайрцагнаас, 2-р бригад 10 хүн/өдөр хүчээр 10189 ширхэг суулгацыг 59,4 хайрцагнаас, Ойн 5-р бригад 17,5 хүн/өдөр хүчээр 4954 ширхэг суулгацыг 21,6 хайрцагнаас, буюу нийтдээ 37,5 хүн/өдөр хүчээр 21123 ширхэг суулгацыг 106 хайрцагнаас ухаж гарган нийлүүлсэн.

05-р сард хөргөгч суллах, тогооч хийх, труба зөөж, буулгах, бордоо ачиж, буулгах, будаа цэнэглэх зэрэг аж ахуйн ажилд 1-р бригад 47 хүн/өдөр, 2-р бригад 11,5 хүн/өдөр, 3-р бригад 21 хүн/өдөр, 4-р бригад 13,5 хүн/өдөр, ойн 5-р бригад 39,5 хүн/өдөр буюу нийтдээ 132,5 хүн/өдөр хүч зарцуулсан.

05-р сард жимслэгч чацарганы модонд тоос хүртээх, хайлаас түүх, суулгацыг түр хадгалалтанд оруулах, түр хадгалалтаас ухаж гарган ялган тоолж ангилаад, шошго зүүн боож ачих, мод тоолох, олон төрлийн модны хучлага авах, гүзээлзгэний арчилгаа, хор цацалт, усалгаа, олон төрлийн модны тогооны сийрүүлэлт хийх, Ротарийн хүлэмжинд хүлэмж хучих, хүлэмжний засвар үйлчилгээ хийх мотор систем угсрах, хүлэмж хучих, хүлэмжний усалгаа хийх зэрэг цагийн ажилд 1-р бригадын 112,4 хүн өдөр хүч, 2-р бригадын 255 хүн өдөр хүч, 3-р бригадын 54 хүн өдөр хүч, 4-р бригадын 180 хүн өдөр хүч, ойн 5-р бригадын 31 хүн өдөр хүч буюу нийт дүнгээрээ 632,4 хүн өдөр хүч зарцуулсан.

05-р сард 1-р бригадын 21 хүн өдөр хүчээр 4740 м урт трактороор гаргасан шуудууг гараар засуулаад, 270 хүн өдөр хүчээр нөхөн тариалсан болон нөхөлт хийгдээгүй талбайд 326281 м урт усалгааны туслах шуудуугаар усалгаа хийсэн.

05-р сард бойжуулгын талбайд тарьц тариалах хайрцаг хийх ажилд 1-р бригадын 16,4 хүн/өдөр хүчээр 95 хайрцагийг, 2-р бригад 4,5 хүн/өдөр хүчээр 36 хайрцагийг, 3-р бригад 3 хүн/өдөр хүчээр 7,5 хайрцагийг, 4-р бригад 6,4 хүн/өдөр хүчээр 55 хайрцагийг буюу нийтдээ 31 хүн/өдөр хүн/өдөр хүчээр 193,5 хайрцагийг шинээр хийсэн.

05-р сард хүлэмжнээс тарьц гараар ухаж гаргах ажилд 1-р бригадын 1 хүн өдөр хүч зарцуулан 5000 ширхэг тарьцыг, 2-р бригадын 37,5 хүн өдөр хүч зарцуулан 165142 ширхэг тарьцыг буюу нийт дүнгээрээ 38,5 хүн өдөр хүч зарцуулан 170142 ширхэг чацарганы ногоон мөчрийн тарьцыг ухаж гарган тариалалт хийж буй бригадуудад нийлүүлж тариалалт хийлгэсэн.

05-р сард бойжуулгын талбайн хайрцагт тарьц тариалах ажилд 1-р бригадын 69 хүн/өдөр хүчээр 271,4 хайрцагт 124881 ширхэг тарьцыг, 2-р бригад 30 хүн/өдөр хүчээр 78 хайрцагт 24970 ширхэг тарьцыг, 3-р бригад 22 хүн/өдөр хүчээр 103 хайрцагт 56290 ширхэг тарьцыг, 4-р бригад 18 хүн/өдөр хүчээр 92 хайрцагт 43194 ширхэг тарьцыг буюу нийтдээ 139 хүн/өдөр хүчээр 544,4 хайрцагт 249335 ширхэг тарьцыг тариалсан. Тарьц тариалсан хайрцаг услах ажилд 1-р бригадын 6 хүн/өдөр хүчээр 267 хайрцагийг, 2-р бригад шинээр тариалсан ба хуучин тариалсан байсан 3420 хайрцагийг 59 хүн/өдөр хүчээр, 4-р бригад 2 хүн/өдөр хүчээр 88 хайрцагийг буюу нийтдээ 67 хүн/өдөр хүн/өдөр хүчээр 3775 хайрцагийг усалсан.

05-р сард 1-р бригадын 9,5 хүн/өдөр хүчээр 442 ширхэг үхэр нүдний том моддыг 11А талбайгаас эксковатор ашиглан ухаж гаргаад пад трактор ашиглан үхэр нүдний 19Б, 22Б талбайнуудад нөхөн тариалалтын 60 см X 60 см X 80 см хэмжээтэй нүх ухаад 9,5 хүн/өдөр хүч зарцуулан тариалж усалсан.

05-р сард 2-р бригадын 6 хүн өдөр хүн хүчээр 1Б талбайд 1504 ширхэг чацарганы сортын мод тариалах нүх ухаж сортын суулгацыг мөн хүн хүчээр тариалж 31,5 хүн өдөр хүн хүчээр 13000 м урт усалгааны туслах шуудууг гараар засварлан ухаж гаргаад 50 хүн өдөр хүчээр 66600 м урт усалгааны туслах шуудуугаар усалгаа хийсэн. Мөн 2-р бригадын 10,5 хүн өдөр хүчээр олон төрлийн жимсний 3784 модыг усалсан. 3-р бригадын 26 хүн өдөр хүчээр 10209 м урт усалгааны туслах шуудууг гараар ухаж гаргаад 100 хүн өдөр хүчээр 122398 м урт усалгааны шуудуугаар жимст цэцэрлэгт усалгаа хийлгэсэн. 4-р бригадын 25 хүн өдөр хүн хүчээр 8332 нөхөн тариалалтын модны нүх ухаад, 22 хүн өдөр хүчээр тариалат хийсэн. Нөхөн тариалалт хийсэн ба хийгээгүй 135 хүн өдөр хүчээр 159874 м урт усалгааны шуудуугаар 1-р усалгаа хийсэн. Тус бригадын 22 хүн өдөр хүчээр трактороор татсан 14190 м урт усалгааны туслах шуудууг, 87 хүн өдөр хүчээр 27595 м урт усалгааны туслах шуудууг гараар татаж усалгаа хийсэн. Мөн 4-р бригад 52 хүн өдөр хүчээр 17453 модонд үзлэг хийж хатсан ба шимэгч мөчрүүдийг нь танасан. Ойн 5-р бригадын 40,3 хүн өдөр хүн хүчээр 2249 ширхэг 80 см X 80 см X 80 см хэмжээтэй ойн зурвасын том мод тариалах нүх ухуулаад өмнөх сард ухсан байсан ба дээрх ухсан нүхнүүдэд 5040 ширхэг улиас, хайлаасыг тус бригадын 36,8 хүн өдөр хүч зарцуулан тариалалт хийлгэсэн. Ойн 5-р бригадын 45 хүн өдөр хүн хүчээр 30742 м урт усалгааны шуудууг засаж гаргаад 66 хүн өдөр хүчээр 45165 м урт усалгааны шуудуугаар ойн зурваст тариалсан шуудуугаар услах боломжтой хэсгийн мододыг усалсан. Харин шуудуугаар услах боломжгүй хэсгийг дараах аргуудаар усалсан. Усалгааны юүлэх шуудууны ирмэгээр тариалсан ойн зурвасын 12945 ширхэг моддыг 95 хүн өдөр хүч зарцуулан хувингаар зөөж усалсан бол тракторын чиргүүлэн ёмкостиор услагддаг 2786 м урт усалгааны шуудуутай хэсгийг 2 хүн өдөр хүч зарцуулан усалсан.

Өмнө нь ашиглах боломжгүй байсан 1-р жигүүрийг энэ жил засварлан ашиглалтанд оруулсан бөгөөд 3-р бригадын 19 хүн өдөр хүчээр 1А талбайд 3733 ширхэг мод тариалах нүх ухаад, мөн талбайд 21 хүн өдөр хүчээр 5304 ширхэг суулгацыг тариалсан.

5-р сард 2-р бригадын 11 хүн өдөр хүчээр Ротаригийн хүлэмжний 66 м² талбайн хөрсийг шигшиж, хүлэмжинд дэвсээд ухаад, 10,5 хүн өдөр хүчээр 399 хүлэмжний нурууны хөрсийг гишгэж эргүүлэн хагалаад, 19 хүн өдөр хүч зарцуулан 575,3 нурууны талбайд гацуур, нарс, шинэсний үрийг тус тус тариалсан. Мөн 2-р бригадын 49 хүн өдөр хүн хүчээр 1737 хайрцагны гүн сийрүүлэлтийг хийлгэсэн. Мөн 3-р бригадын 4,5 хүн өдөр хүчийг Ротаригийн хүлэмжний 151 нурууны хөрсийг гишгэж эргүүлэн хагалах, хар шороо зөөх ажилд зарцуулсан.

05-р сард жимст цэцэрлэгийн талбайн нөхөн тариалалтын ба тендерийн суулгац гаргах ажилд 1-р бригад 16,5 хүн/өдөр хүчээр 18549 ширхэг суулгацыг 82,5 хайрцагнаас, 4-р бригад 37 хүн/өдөр хүчээр 39830 ширхэг суулгацыг 209,4 хайрцагнаас, ойн 5-р бригад 13,5 хүн/өдөр хүчээр 3205 ширхэг суулгацыг 14 хайрцагнаас буюу нийтдээ 67 хүн/өдөр хүчээр 61584 ширхэг суулгацыг 306 хайрцагнаас ухаж гарган нийлүүлсэн.

05-р сард 3-р бригадын 23,5 хүн өдөр хүчээр 4900 м урт мод тариалсан шуудууны 1-р зэрлэгийг авахуулсан.

06-р сард мод тоолох, Ротарийн хүлэмжинд хүлэмж хучих, хүлэмжний хар тор татах, бууц ачиж буулгах зэрэг цагийн ажилд 1-р бригадын 19 хүн өдөр хүч, 3-р бригадын 9 хүн өдөр хүч, 4-р бригадын 39 хүн өдөр хүч, ойн 5-р бригадын 6 хүн өдөр хүч буюу нийт дүнгээрээ 83 хүн өдөр хүч зарцуулсан. Мөн Ротаригийн хүлэмжинд ойн 5-р бригадын 6 хүн өдөр хүчээр 18,2 м³ хэмжээтэй хар шороог шигшиж, хүлэмжинд зөөж аваачин дэвссэн.

6-р сард 2-р бригадын 23 хүн/өдөр хүчээр хүлэмжний засвар, усалгаа хийлгэсэн. Мөн 25,6 хүн/өдөр хүчээр хүлэмжний гүзээлзгэний талбайд арчилгаа, 3 хүн/өдөр хүчээр гүзээлзгэнэ тариалсан ил талбайн 1210 м² хэмжээтэй талбайн зэрлэгийг гараар авах ажилбар, 1 хүн/өдөр хүчээр ил талбайн гүзээлзгэний талбайд усалгааг насадка ашиглан хийлгэсэн ба 12 хүн/өдөр хүчээр хүлэмжний 292 нурууны гүзээлзгэний зэрлэгийг гараар авах ажилбарыг, 4 хүн/өдөр хүчээр олон төрлийн модны талбайд арчилгаа хийлгэсэн. 7,5 хүн/өдөр хүчээр олон төрлийн модны талбайд 4505 модонд тогооны гүн сийрүүлэлт, 6 хүн/өдөр хүчээр мөн талбайд усалгаа хийлгэсэн. Мөн тус бригадын 1,5 хүн/өдөр хүчээр 37 мөрний усалгааны системийг угсарч усалгаа хийлгэсэн. Тус 2-р бригадын 2 хүн/өдөр хүч ашиглан 37 мөрний усалгааны системийн шон төмөр хураах, бойжуулгын талбайг бордох бууц ачиж буулгах ажил, 1 хүн/өдөр хүчээр бууцан бордоо исгэх 80 см X 150 см X 200 см хэмжээтэй нүх ухуулах зэрэг ажлууд хийлгэсэн.

06-р сард 2-р бригадын хариуцсан бойжуулгын талбайд тус бригадын 82,1 хүн/өдөр хүчээр хайрцагны гүн сийрүүлэлтийн ажилбар, 9 хүн/өдөр хүчээр 66 хайрцагт суулгацын таналтын ажилбар, 6 хүн/өдөр хүчээр 115,8 хайрцагт хамар шуудууны зэрлэгийг гараар зулгааж авах ажилбар, 38,33 хүн/өдөр хүчээр 927 хайрцагт хайрцагны доторх мөр

хоорондын зэрлэгийг гараар зулгааж устгах ажилбар, 39,3 хүн/өдөр хүчээр 4401,5 хайрцагт хайрцагтай суулгацын гуравдугаар усалгааг тус тус хийлгэсэн.

06-р сард 1-р бригадын 340 хүн өдөр хүн хүчээр хариуцсан талбайнхаа 513136 м урт усалгааны туслах шуудуугаар усалгаа хийсэн. 2-р бригадын 6 хүн өдөр хүчээр олон төрлийн жимсний 3784 модыг хувингаар тогоонд нь усалсан ба 60,5 хүн өдөр хүчээр 35000 м урт эх цэцэрлэгийн усалгааны туслах шуудууг засаж сэргээгээд 31,9 хүн өдөр хүчээр 73884 м урт усалгааны шуудуугаар эх цэцэрлэгт усалгаа хийлгэсэн. 3-р бригадын 79 хүн өдөр хүчээр 185240 м урт усалгааны туслах шуудуугаар жимсет цэцэрлэгт усалгаа хийлгэсэн. 4-р бригадын 56 хүн өдөр хүн хүчээр 17920 м урт усалгааны шуудууг гараар сэргээлгэн ухуулж гаргуулаад 249,3 хүн өдөр хүчээр 343950 м урт усалгааны туслах шуудуугаар усалгаа хийлгэсэн. Тус бригадын 23 хүн өдөр хүчээр 13625 ширхэг моддод үзлэг хийж хатсан ба шимэгч мөчрүүдийг нь танасан. Ойн 5-р бригадын 110 хүн өдөр хүн хүчээр 87274,3 м урт усалгааны шуудуугаар усалгаа хийсэн.

Ойн зурвасын 5-р бригадын 7 хүн өдөр хүч зарцуулан 1249 ойн зурвасын моддыг хувингаар зөөж усалсан.

06-р сард 1-р бригадын 7,3 хүн өдөр хүчээр 10,64 м3 хэмжээтэй хүлэмжний ул шороог, 2-р бригадын 22,1 хүн өдөр хүчээр 43,47 м3 хэмжээтэй хүлэмжний ул шороог, 3-р бригадын 15,3 хүн өдөр хүчээр 26,84 м3 хэмжээтэй хүлэмжний ул шороог, 4-р бригадын 6,3 хүн өдөр хүчээр 9 м3 хэмжээтэй хүлэмжний ул шороог, ойн 5-р бригадын 29 хүн өдөр хүчээр 69,84 м3 хэмжээтэй хүлэмжний ул шороог, буюу нийт дүнгээрээ 80 хүн өдөр хүчээр энэ жил ногоон мөчир тариалах урд 20 хүлэмжний 159,79 м3 хэмжээтэй хүлэмжний ул шороог хүрээр ухаж хүлэмжнээс шуудайлан гаргаж тракторт ачин зөөж асгасан. 1-р бригадын 7,3 хүн өдөр хүчээр 15,4 м3 хэмжээтэй хүлэмжний хайргыг, 2-р бригадын 22,1 хүн өдөр хүчээр 57 м3 хэмжээтэй хүлэмжний хайргыг, 3-р бригадын 15,3 хүн өдөр хүчээр 34,82 м3 хэмжээтэй хүлэмжний хайргыг, 4-р бригадын 6,3 хүн өдөр хүчээр 13,57 м3 хэмжээтэй хүлэмжний хайргыг, 5-р бригадын 29 хүн өдөр хүчээр 76,8 м3 хэмжээтэй хүлэмжний хайргыг буюу нийт дүнгээрээ 80 хүн өдөр хүчээр ногоон мөчир тариалах хүлэмжний 197,59 м3 хэмжээтэй хайргыг хүрээр ухаж гарган шигшсэн. Мөн 1-р бригадын 7,3 хүн өдөр хүчээр 44,9 м3 хэмжээтэй хүлэмжний хар шороог, 2-р бригадын 22,7 хүн өдөр хүчээр 47,8 м3 хэмжээтэй хүлэмжний хар шороог, 3-р бригадын 15,3 хүн өдөр хүчээр 39,17 м3 хэмжээтэй хүлэмжний хар шороог, 4-р бригадын 6,3 хүн өдөр хүчээр 40,13 м3 хэмжээтэй хүлэмжний хайргыг, 5-р бригадын 32 хүн өдөр хүчээр 59,22 м3 хэмжээтэй хүлэмжний хайргыг буюу нийт дүнгээрээ 83,6 хүн өдөр хүчээр 231,22 м3 хэмжээтэй хүлэмжний хар шороог хүрээр ухаж гарган шигшсэн.

06-р сард 1-р бригадын 31 хүн өдөр хүчээр 14220 м урт мод тариалсан шуудууны, 2-р бригадын 74,5 хүн өдөр хүчээр 42900 м урт мод тариалсан шуудууны, 3-р бригадын 94 хүн өдөр хүчээр 20091 м урт мод тариалсан шуудууны, ойн зурвасын 5-р бригадын 5 хүн өдөр хүчээр 2400 м урт мод тариалсан шуудууны буюу нийт дүнгээрээ 204,5 хүн өдөр хүчээр 79611 м урт мод тариалсан шуудууны зэрлэгийг авахуулсан.

11. Үнэт цаас гаргагчийн хувьцаа эзэмшигчдийн хурал, түүний шийдвэр:

“Хархорин” ХК нь Хувьцаа эзэмшигчдийн ээлжит хурлаа 2017 оны 04-р сарын 22-ны өдөр Өвөрхангай аймаг, Хархорин сум, Эрдэнэтолгой баг, Усжуулах 00 хаягаар байрлах өөрийн байранд, хурлын танхимд хуралдуулсан.

Тус хурлыг зарлан хуралдуулах асуудлыг компанийн ТУЗ 2017 оны 03-р сарын 10-ны өдрийн хурлаараа авч хэлэлцээд холбогдох шийдвэрийг гаргасан. Хурлын мэдэгдлийг 2017 оны 03-р сарын 13-ны өдөр Санхүүгийн зохицуулах хороо болон Монголын хөрөнгийн биржид тус тус хүргүүлсэн.

Тус ээлжит хуралд оролцох эрх бүхий хувьцаа эзэмшигчдийг бүртгэх өдрийг 2017 оны 04 дугаар сарын 03-ны өдрөөр тогтоож, Үнэт цаасны төвлөрсөн хадгаламжийн төв ХХК-с бүртгэлийн өдрөөр гаргасан хувьцаа эзэмшигчдийн дэлгэрэнгүй судалгааг гаргуулан авсан болно.

Тус судалгааны дагуу тус бүр нэг саналын эрх бүхий нийт 539,515 ширхэг энгийн хувьцаа эзэмшиж байгаа 574 хувьцаа эзэмшигчид 2017 оны 04-р сарын 22-ны өдрийн хувьцаа эзэмшигчдийн ээлжит хуралд оролцох эрхтэй байсан. Эдгээр хувьцаа эзэмшигчдээс нийт 378,332 ширхэг хувьцаа эзэмшиж байгаа нийт 8 хувьцаа эзэмшигч тус хуралд биечлэн оролцож саналаа өгсөн болно. Хуралд биечлэн оролцоогүй боловч саналын хуудсаар саналаа ирүүлсэн хувьцаа эзэмшигч гараагүй.

Хурлын ирц 70.12 хувь болсон.

Хурлаар хэлэлцсэн асуудлууд болон эдгээр асуудал тус бүрээр хуралд оролцсон саналын эрх бүхий хувьцаа эзэмшигчдийн өгсөн саналын тоог, хувь зэргийг дараах хүснэгтээс үзнэ үү:

Д/д	Хурлаар хэлэлцэн шийдвэрлэсэн асуудлууд	Зөвшөөрсөн	Татгалзсан	Түдгэлзсэн
1	Компанийн 2016 оны үйл ажиллагааны талаарх Төлөөлөн Удирдах Зөвлөлийн гаргасан дүгнэлтийг батлах	378,332 (100%)	0	0
2	Компанийн 2016 оны санхүүгийн тайлангийн талаарх Төлөөлөн Удирдах Зөвлөлийн гаргасан дүгнэлтийг батлах	378,332 (100%)	0	0
3	Ногдол ашиг хуваарилахгүй тухай Төлөөлөн Удирдах Зөвлөлөөс гаргасан шийдвэрийг батлах	378,332 (100%)	0	0
4	Компанийн 2017 оны үйл ажиллагааны төлөвлөгөөг батлах	378,332 (100%)	0	0

Түүнчлэн тус хурлаар компанийн Төлөөлөн удирдах зөвлөлийг шинээр сонгосон байгаа. Кумулятив аргаар хураасан саналын хураалтын дүнг дараах хүснэгтээс үзнэ үү:

Д/д	Хурлаар хэлэлцэх асуудал	Ирүүлсэн нийт саналын эрхийн		Хүчинтэй саналын эрхээс*	
		Тоо	хувь	Тухайн асуудлаар өгсөн саналын	
				тоо	Хувь
1	ТУЗ-ийн ердийн гишүүдийг сонгох	2,269,992	70.12%	-	-
1.1	П. Бишрэл			378,332	16.7 %
1.2	Л. Хосбаяр			378,332	16.7 %
1.3	П. Учрал			378,332	16.7 %
1.4	Ж. Энхтөр			378,332	16.7 %
1.5	Ц. Энх-Амгалан			378,332	16.7 %
1.6	О. Төмөрбаатар			378,332	16.7 %
2	ТУЗ-ийн хараат бус гишүүдийг сонгох	1,134,996	70.12%	-	-
2.1	Б. Амарсанаа			378,332	33.3 %
2.2	С.Амгалан			378,332	33.3 %
2.3	Б. Бүрэн			378,332	33.3 %

*Жич: хүчингүй саналын хуудас гараагүй болно.

“Хархорин” ХК-ийн 2017 оны 04-р сарын 22-ны өдрийн хувьцаа эзэмшигчдийн ээлжит хурлаас гарсан тогтоолуудтай Монголын хөрөнгийн биржийн цахим хуудаснаас үзэж танилцах боломжтой.

Тус хувьцаа эзэмшигчдийн ээлжит хурлын материалыг 2017 оны 04-р сарын 25-ны өдөр Санхүүгийн зохицуулах хороо, Монголын хөрөнгийн биржид тус тус хүргүүлсэн.

12. Үнэт цаас гаргагчийн ТУЗ-ийн шийдвэрүүд

2017 оны 04 дүгээр сард хуралдсан Хувьцаа эзэмшигчдийн ээлжит хурлаар шинээр сонгогдсон ТУЗ нь анхны хурлаа 2017 оны 05 дугаар сарын 29-ний өдөр хуралдуулсан болно.

Тус хурлаар ТУЗ-ийн дарга, нарийн бичгийн дарга нарыг томилох, ТУЗ-ийн дэргэдэх Аудит, Нэр дэвшүүлэх болон Цалин урамшууллын хороодын гишүүдийг шинээр томилох асуудлыг авч хэлэлцсэн.

Хурлаас дараах шийдвэрүүд гарсан болно:

1. “Хархорин” нээлттэй хувьцаат компанийн ТУЗ-ийн даргаар П.Бишрэлийг үргэлжлүүлэн томилсон.
2. ТУЗ-ийн нарийн бичгийн даргаар Б.Ганбатыг үргэлжлүүлэн томилсон.
3. ТУЗ-ийн дэргэдэх Аудитын хорооны даргаар Төлөөлөн удирдах зөвлөлийн хараат бус гишүүн С.Амгаланг, гишүүдээр Төлөөлөн удирдах зөвлөлийн хараат бус гишүүн Б.Амарсанаа, ердийн гишүүн Ц.Энх-Амгалан нарыг тус тус томилсон.
4. Төлөөлөн удирдах зөвлөлийн дэргэдэх Нэр дэвшүүлэх хорооны даргаар Төлөөлөн удирдах зөвлөлийн ердийн гишүүн Ж.Энхтөрийг, гишүүдээр Төлөөлөн удирдах зөвлөлийн хараат бус гишүүд болох С.Амгалан, Б.Бүрэн нарыг тус тус томилсон.
5. Төлөөлөн удирдах зөвлөлийн дэргэдэх Цалин, урамшууллын хорооны даргаар Төлөөлөн удирдах зөвлөлийн ердийн гишүүн О.Төмөрбаатарыг, гишүүдээр Төлөөлөн удирдах зөвлөлийн хараат бус гишүүд болох Б.Амарсанаа, Б.Бүрэн нарыг тус тус томилсон.

13. Нөлөө бүхий хувьцаа эзэмшигчдийн өөрчлөлтийн талаарх мэдээлэл

“Хархорин” ХК-ийн 5% ба үүнээс илүү хувийг эзэмшигч хувьцаа эзэмшигчдийн бүрэлдэхүүнд 2016 онд дараах өөрчлөлт орсон болно. Үүнд:

5% ба үүнээс дээш хувьцаа эзэмшигчид, 2016.03.04 өдрийн байдлаар хуучнаар ҮЦТТХТ ХХК-с гаргуулан авсан хувьцаа эзэмшигчдийн дэлгэрэнгүй судалганы дагуу:

Д.д	Хувьцаа эзэмшигчид	Эзэмшиж буй хувьцааны тоо ширхэг, хувь
1	С.Пүрэв	377,660 (70.00%)
2	Л.Чинбат	73,403 (13.61%)
3	Л.Хосбаяр	28,231 (5.23%)
4	Бусад жижиг хувьцаа эзэмшигчид (нийт 573)	60,221 (11.16%)
	ДҮН	539,515 (100%)

5% ба үүнээс дээш хувьцаа эзэмшигчид, 2017.04.03-ны өдрийн байдлаар ҮЦТХТ ХХК-с гаргуулан авсан хувьцаа эзэмшигчдийн дэлгэрэнгүй судалганы дагуу:

Д.д	Хувьцаа эзэмшигчид	Эзэмшиж буй хувьцааны тоо ширхэг, хувь
1	С.Пүрэв	377,660 (70.00%)
2	Л.Хосбаяр	101,634 (18.84%)

3	Бусад жижиг хувьцаа эзэмшигчид (нийт 572)	60,221 (11.16%)
	ДҮН	539,515 (100%)

2017 оны 01-р сарын 02-ны өдөөс 06-р сарын 30-ны өдрийн хооронд “Хархорин” ХК-ийн нөлөө бүхий хувьцаа эзэмшигчдийн бүрэлдэхүүнд өөрчлөлт ороогүй болно.

“Хархорин” ХК, 2017 он